

故都變遷記略

地110
94255
21-2
部三

中ID
0023
(1)

故都變遷
記略

孫慶澤題



自序

予於清光緒壬午生於京師忽忽六十年予既衰老都城亦非昔日之舊良時不再此固無可如何者矣予家僑居於京師者三世予復狃於小人懷土之私鮮事遠游雖幼時侍先夫人省覲先外王母於臺灣因依先舅維卿先生讀書於臺南北官署者數年弱冠游學日本者又數年然自壯歲服官京曹即未出國門一步前後四十餘年中更庚子辛亥之變凡建置之興廢名蹟之存亡道路里巷之變更無一不目覩而心識之在今日事過境遷人皆淡忘獨予於往日之舊京猶惓惓於懷而不能忍置焉夫以聲明文物綿延六百餘年之古都予幸生其間既見其盛旋見其衰復見其陵夷以至於今日而予猶偷息於此此予之悲咽而不能自己者也近見報章有徵求街巷舊名者故老凋零能知往事者蓋已寡矣更百數十年此莊嚴閎麗之故都其遺蹟或至湮沒而莫可稽考不亦大可慨乎爰不揣謏陋就平日所見聞撰次故都變遷記略不敢妄逞臆說而務求翔實亦不敢徵引繁瑣而務求簡明庶志故都者有所考鏡訪古者便於瀏覽云爾

民國三十年歲在辛巳七月廿四日怡園老人記於積水潭濯夢樓

故都變遷記略

自序



目錄

卷一

名稱 城垣

卷二

舊皇城一

卷三

舊皇城二

卷四

內城一

卷五

內城二

卷六

內城三

故都變遷記略

目錄

卷七

內城四

卷八

外城一

卷九

外城二

卷十

郊坵

附錄

例言

- 一 本記略以記變遷爲主惟所謂變遷者爲自清末光緒庚子變亂後以至民國廿六年蘆溝橋事變時止之變遷而言其以前以後皆不載
- 一 昔日胡同之名雖不能皆有原起但皆有所依附民國以來頗多改竄有沿其音訛者如江米巷爲交民巷猪市口爲珠市口之類有因名不雅馴而改者如臭皮胡同改爲授璧胡同臭水河改爲浸水河之類亦有無意識而改者如茗帚胡同改爲桃竹胡同井兒胡同改爲警爾胡同之類甚至本有故實而妄改者如奶子府改爲迺茲府靈清宮改爲靈境之類本記略均於現在名稱下注明舊名某以存其真
- 一 故都寺觀甚多本記略僅就其曾見著錄者記其存廢其雖係古刹不見著錄及新建而無大關係者皆不載
- 一 風景名勝之區古人多有詩紀之本記略多擇錄近人詩於其後以瞻其變遷古詩未能盡載
- 一 忠孝節義之事與其坊巷有關者無論何代一律記載

故都變遷記略

例言

- 一 近代名人宅第寓居見於本人或他人詩歌者亦一律記載并載其詩歌或雖無詩歌而有遺聞佚事者亦同
- 一 會館除各行業者外本爲各省來京鄉會試士子寄寓而設清末科舉旣廢而今國都又遷幾全失其存立之目的故除數處與歷史有關係者外其他皆略而不載
- 一 本記略關於皇城內宮殿亭臺之方向名稱用途建修年月一以故宮博物院所輯之清宮述聞爲主其他衙署寺觀等則以宸垣識略爲主他書與之有歧異者則附註於下調查所得有不同者亦全

故都變遷記略卷一

紹興余棨昌戟門氏編
吳縣陳克明秋水校勘



名稱

北平爲禹貢冀州之域而建爲國都則實始於遼遼太宗會同元年以幽州爲南京又曰燕京名析津府註一宋約金伐遼宣和五年金人歸燕六州宋改名燕山府註二七年復入於金仍稱燕京貞元四年金主亮幸燕以爲中都號大興府註三元太祖十年克燕改爲燕京路世祖至元四年始於金舊中都之北三里築城定爲京邑註四九年改號大都明洪武初改大都路爲北平府註五永樂元年燕王篡立升爲北京改名順天府註六正統六年改稱京師註七清世祖入關定都燕京因明之舊仍稱京師名順天府民國肇興革命政府北移亦沿稱北京而改順天府爲京兆十七年南北統一復以南京爲首都而廢北京稱北平特別市除城郊外京兆舊屬各縣均改隸於河北省焉

註一 順天府志遼之故城即因唐藩鎮城之舊其地在今城西偏及郊外地今琉璃廠在正陽門外乾隆年

故都變遷記略

卷一

名稱

間得李內貞墓志稱其地爲燕京東門外之海王村又今黑窖廠在永定門內慈悲庵而今存遼熹昌慈智大師石幢亦稱京東北盟彙編郭藥師製遼由固安渡盧水奪迎春門陣於憫忠寺前是遼東門在憫忠寺之東慈悲庵之西界址規模略可想見

註二 宸垣志略宋燕山府城周迴二十七里樓台高四十尺樓計九百一十座池塹三重城開八門 又考按此條燕京舊城周二十七里至金天德三年展築三里見析津志所引金蔡珪大覺寺記合計共周三十里此皆指都城言之 又長元按燕山府之名係宋宣和五年金人來歸燕京六州時所改遼析津府城三十六里此云二十七里豈去其西南之大內而言耶遼城門八大內門三今祇言八門其無大內可知

註三 宸垣志略金貞元四年金主幸燕遂以爲中都府曰大興定京邑焉都城周圍凡七十五里城門十二每一面分三門其正門四旁又設兩門正東曰宣耀陽春施仁正西曰灑華麗澤彰義正南曰豐宜景風端禮正北曰通元會城崇智 順天府志金天德三年東南二面展築三里與四子城相屬外城包之廣七十五里

註四 宸垣志略元世祖至元四年始定鼎于中都之北三里築城圍六十里九年改爲大都 又京城方六十里里二百四十步分十一門正南曰麗正左曰文明右曰順承正東曰崇仁東之南曰齊化東之北曰光熙正西曰和義西之南曰平則西之北曰肅清北之西曰健德北之東曰安貞

註五 宸垣志略明洪武初改大都路爲北平府縮其城之北五里廢東西之北光熙肅清二門其九門俱仍

舊 又大將軍徐達命指揮華雲龍經理故元都新築城垣南北取徑直東西長一千八百九十丈又令指揮張煥計度故元皇城周圍一千二百六丈又令指揮葉國珍計度南城周圍五千三百二十八丈南城故金時舊基也改故元都安貞門爲安定門健德門爲德勝門

註六 宸垣志略永樂中定都北京改北平爲順天府建築京城周圍四十里爲九門南曰麗正文明順承東曰齊化東直西曰平則西直北曰安定德勝

註七 日下舊聞引英宗實錄六年八月浙江甯波府知府鄭瑒言國家肇建兩京合於古制自太宗皇帝定鼎北京以來四聖相承正南面而朝萬方四十年於茲矣而諸司文移印章尙仍行在之稱名實未當請正名京師南京諸司宜改曰南京某府某部爲得是年十一月上御奉天殿大赦改給兩京文武衙門印北京諸衙門去行在二字南京諸衙門增南京二字

城垣

內城舊名京城周四十里高三丈五尺五寸門九南曰正陽南之左曰崇文南之右曰宣武北之東曰安定北之西曰德勝東之北曰東直東之南曰朝陽西之北曰西直西之南曰阜成環內城南面爲池東至東便西至西便俗稱護城河

外城包京城南面抱東西角樓計長二十八里高二丈門七南曰永定南之東曰左安南之西曰右安東曰廣渠西曰廣安東北隅曰東便西北隅曰西便皆北向

故都變遷記略

卷一

城垣

二

內外兩城各城門有清一代殆無變動惟德宗光緒廿七年辛丑和議成後京津火車直達正陽門外城城垣遂鑿數洞子門以通車而正陽崇文之間於御河水出城處亦開一門以便使館界內往來行旅然皆無名

民國三年撤正陽門月城於正門左右兩側各開二門爲車馬通行之路正門設而不用十五年復在正陽宣武二門間開兩洞子門名曰和平而宣武門甕城旋亦撤毀餘則一仍勝朝之舊無所改易

按故都在唐爲幽州遼爲南京析津府宋約金伐遼宣和五年金人歸燕京六州宋遂改稱燕山府金貞元四年金主亮幸燕以爲中都稱大興府其城址大約在今故都之西南至元世祖至元四年於中都之北三里築京城號大都始移而東北明洪武初改大都路爲北平府大將軍徐達就元故都新築城垣縮其城之北五里廢其東西之光熙肅清兩門其城址較前爲狹小燕王篡立定都北京改北平爲順天府永樂十四年建築京城周圍四十里爲九門南曰麗正文明順承東曰齊化東直西曰平則西直北曰安定德勝正統初更麗正爲正陽文明爲崇文順承爲宣武齊化爲朝陽平則爲阜成今土人尤稱宣武爲順治朝陽爲齊化阜成爲平則蓋沿永樂

之舊城南一面長一千二百九十五丈九尺三寸北一千二百三十二丈四尺五寸東一千七百八十六丈九尺三寸西一千五百六十四丈五尺二寸高三丈五尺五寸堞口五尺八寸基厚六丈二尺頂收五丈清則一仍其舊卽今故都之內城也元大都在遼金舊都之東北而稱舊都爲南城猶之外城也明嘉靖二十三年始築重城包京城南面轉抱東西角樓止長二十八里爲七門南曰永定左安右安東曰廣渠東便西曰廣寧清避帝諱改爲廣安西便城南一面長二千四百五十四丈四尺七寸東一千八十五丈一尺西一千九十三丈二尺高二丈堞口四尺基厚二丈頂收一丈四尺四十二年增修各門甕城而爲包京城之外城故亦名外羅門清亦仍之卽今故都之外城也

內外城之警備有清一代由步軍統領及巡城御史司之分五城八旗以定其轄地德宗末年始廢舊制施行警察制度在內外城各設一巡警總廳分地面爲二十二區正陽門大街以東分五區曰外左某區正陽門大街以西分五區曰外右某區地安門大街以東爲五區曰內左某區地安門大街以西分五區曰內右某區皇城除大內外南半面爲中一區北半面爲中二區民國肇興沿而未改十七年國都南遷改北京城爲北

故都變遷記略

卷一

城垣

三

平特別市始更定其區劃外城正陽門大街以東崇文門大街以西北起東河沿南迄東珠市口以至東柳樹井爲外一區珠寶市糧食店以西宣武門大街以東北起西河沿南迄西珠市口以至菜市口爲外二區花市以東廣渠門以西北起後河南迄左安門爲外三區宣武門大街西達智橋東口菓子巷內大吉巷東口及南橫街穿堂門以西廣安門以東北起上斜街南迄右安門爲外四區珠市口以南永定門以北東起磁器口天壇西迄菓子巷以至龍泉寺爲外五區內城崇文門以北朝陽門大街豬市大街以南東起朝陽門西迄東皇城根西折以至棋盤街爲內一區正陽門內順城街以北西單牌樓粉子胡同以南西起關帝廟呂祖宮地藏菴以至太平湖東迄西皇城根府右街東折以至西皮市爲內二區朝陽門大街街北各巷以至翠花胡同以北安定門東城根以南東起東直門城根西迄安定門大街以至東皇城根爲內三區缸瓦市豐盛胡同以北德勝門西城根以南西起西直門南順城街東迄西海西河沿東折以至西皇城根爲內四區地安門以北直達安定德勝兩門西起羅兒胡同棉花胡同東迄安定門大街交道口南大街街西各巷東口爲內五區南自中華門起北迄地安門東至東安門今門已拆西至西安門則爲內六區

按明制城之下復分坊鋪坊有專名
中城曰南薰坊澄濟坊仁壽坊明照坊保泰坊大時雍坊小
坊朝陽坊南城曰正東坊正西坊正南坊宣南坊宣北坊崇南坊崇北坊西城曰阜財坊鳴玉坊朝天
坊河漕西坊關外坊北城曰崇教坊昭回坊靖恭坊靈椿坊發祥坊金台坊教忠坊日中坊關外坊 鋪則
以數計之如南薰坊十鋪之類清制於城下有司坊司設兵馬指揮副指揮各一員
坊設吏目俗名坊官 惟坊名久廢 旗下設佐領以數計之如某處至某處為某旗第幾佐
領所轄外城屬司坊內城屬旗

故都變遷記略卷二

舊皇城一

皇城在內城內周十八里有奇正南曰中華門少北左曰東三座門舊名長安左門右曰西三座

門舊名長安右門東曰東安門已廢西曰西安門北曰地安門中華門之內曰天安門天安門之

內曰端門端門之內東曰闕左門西曰闕右門正中曰午門午門爲紫禁城正門門以

內爲舊大內中華門南對正陽門識緯家謂故都京城正面三門東曰崇文爲明亡於崇禎之讖西曰宣武爲清亡於宣統之讖皇城正門易名中華其前爲正陽門適符

蔣介石先生之名爲蔣氏代興之兆榮昌則謂蔣公興而北京之國都廢乃爲廢都之讖也

按中華門明名大明門清名大清門民國二年始改今名

舊皇城廣袤三千六百五十六丈五尺高一丈八尺下廣六尺五寸上廣五尺二寸

舊皇城城垣民國以後逐漸拆毀長安左右門自民國初元即已拆去僅餘門闕今稱三座

門清乾隆時所增築之圍牆亦於是時改修即今天安門前花牆式之圍牆是也同年

又於西面關灰廠一門以爲國務院直達西長安街之路三年天安門左右東關南池

子街門西關南長街街門住居地安門內外者可由此兩路直達前門不必再繞行東

故都變遷記略

卷二

舊皇城一

西安兩門矣嗣後又於東面關翠花胡同一門以通馬神廟北京大學北面關宛平縣署對面一門以通德勝門皆取捷徑也民國六年合肥段芝泉上將討張勳復辟之亂穴東安門南段城垣以攻其住宅亂定後其一帶皇城盡拆同年又拆西皇城根靈清宮一帶以迄灰廠豁口皇城以其磚石移修大明濠十三年復拆東西皇城根偏北一段而北面皇城爲最後拆至是藩籬盡撤都亦遂廢詎非先兆乎

中華門三關上爲飛檐重脊前地正方名棋盤街中爲中華門通正陽門甬道兩旁各繞以石欄形如棋盤故名民國初元東西穿石欄開一通路與甬道成十字形又雜植花木於欄中盡失舊狀闕前左右石獅二下馬牌各一今尙存

棋盤街舊又稱天街翫月最爲清曠查嗣璫雜詠詩云棋盤街闊靜無塵百貨初收百戲陳向夜月明真似海參差宮殿湧金銀足見當時光景今則車馬行人往來如織塵囂不堪非復曩時景象

門之左右本有崇垣周之民國初朱啟鈴長內務時改砌而低作花牆式殊不雅觀明正統間作公生門於左右長安門之外南向以通五府六部清仍之民國初改築爲磚牌樓東曰履中西曰蹈和

門內東西折而之北本各有千步廊一百四十四間其外東爲戶部米倉西爲工部木倉均久廢東西三座門之中南向爲

天安門明曰承天門五闕上覆重樓九間爲舊皇城正門前環金水河跨石梁七爲外金水橋橋前立華表二門內立華表二爲帝制時代頒詔之處註

註 宸垣志略凡頒詔設金鳳朵雲於天安門上堞口正中宣詔官朝服領耆老咸集行禮奉詔承朵雲由金鳳銜下

門內東西兩廡各二十六間兩廡正中各有門昔爲通太廟社稷街門今皆扁而不開兩廡之北正中南向爲

端門門制與天安門同

門之內東西兩廡各五間其北東有廟右門西有社左門今皆扁而不開迤北兩廡各四十二間舊爲朝房又北東出者曰闕左門西出者曰闕右門又北復有兩廡各三間舊爲王公朝集之所正中南向爲午門

天安門午門之間左爲太廟右爲社稷始於明清沿之民國廢爲公園社稷於民國三年改爲公園名中央公園太廟直至民國十五年始改而無名俗即稱爲太廟公園兩

故都變遷記略

卷二

舊皇城一

二

園皆各於天安門城垣鑿一門爲公園正門

太廟公園中之舊太廟南向朱門黃瓦周以崇垣大門三左右門各一戟門五間前殿十有一間昔爲合祀列祖帝后之堂中殿九間爲寢殿同堂異室後殿九間爲祧廟殿中几席枕帳俱存今仍陳列以供遊人觀覽前殿兩廡各十五間昔爲配饗諸王公功臣之位中殿後殿兩廡各五間爲藏庋祭器之所現廟前後皆招商設茶肆但僅於柏樹陰下設茶座而已布置較中央公園爲簡陋

中央公園中之社稷壇制方北向二成高四尺上成方五丈二成方五丈三尺四出陛各四級內壝方七十六丈四尺高四尺甃以四色琉璃磚前後左右門各一柱及楣闕皆白玉石舊有扉今無存壇北祭殿拜殿各五間民國三年廢爲公園後均改爲堂壇外周以崇垣東西南三面各一門北面則三門廢爲公園後移建舊禮部習禮亭於南門外與門相值壇垣外東側築廳五間頗軒廠名來今雨軒軒前數十步有屋一區爲行健會會所軒後築一亭名投壺亭軒左有屋數楹爲董事會會所西側鑿池引御河水以注之池南築一榭名曰水榭池北爲溫室室前滿列花木沿西垣一帶築廊舍多間爲繪影樓春明館上林春民國六年對德宣戰翊年拆克林德石坊移建園內名公理

戰勝坊其後復沿東西爲走廊若干間東起來今雨軒西迄水榭栽種牡丹於來今雨軒前溢室後約數十池花開時繽紛燦爛如錦繡今推爲市中牡丹最勝處惟園中古柏受天牛蟲災歲有枯死當者事拘於禁令不敢伐除任其蟲災蔓延使數百年古木日就凋零良可慨也壇垣外各亭榭皆招商設茶酒肆爲故都市民嬉春消夏之勝地黃晦聞先生節春盡日過社園風霾不開丁香盛白簡湯定之詩一塵黃不上丁香似雪翻風風卻黃日日好春風裡過令人梅雨憶江鄉語與城西湯定之園花吹盡柳絲絲尋常別恨年年有不是吳姬壓酒時

又黃節秋湄北來視予四月六日社園置酒賞牡丹作風力初低雨意輕爲花何愛一春晴回陰莫展丁香結廢閨難催芍藥生塵土牡丹黃上額殿臺楊柳碧連城眼前草木憂懼狀與汝盱衡說舊京

又黃節社園茗座遲瘦公不至詩蒼然栝柏杉松地得與遊人坐夕涼六月將秋仍病暑衆囂宜菽一澆腸晚來栖息能相過舉國劬勞自未央到此不無林木歎士夫名節獨尋常

又黃節社園看菊將雨始歸詩積困猶思一放吟久晴今日猶陰陰端知茗座無人

故都變遷記略

卷二

舊皇城一

三

過爲愛霜花故晚尋一室坐憐秋色盡衆雲能使落陽深多留亦歎成何意喬木風巢有去禽

大內

舊紫禁城 註一爲皇居名大內在皇城中南北各二百三十六丈二尺東西各三百二丈九尺五寸凡四門南曰午門北曰神武明名玄武東曰東華西曰西華四維皆有角樓牆外環以護城河 註二

註一 養吉齋叢談紫禁城騎馬謂之賞朝馬每歲軍機處將一二品大臣年六十以上者開單請旨大抵一品合例者皆得邀恩侍郎以下則或賜或否內廷行走之員往往特蒙恩禮不復問年至親王以下至貝子則皆准在紫禁城騎馬 茶餘客話紫禁城騎馬之制准騎者由東華門入至箭亭下馬由西華門入至內務府總管衙門前下馬 郎潛紀聞乾隆五十五年上諭曰內外文武大臣特恩賞在紫禁城騎馬用資代步但年老足疾之人上馬亦覺艱難嗣後已經賞馬之大臣因有疾艱於步履者仍加恩准令乘坐椅旁縛短木用二人舁行入直 國朝宮史續編傳籌之制紫禁城內五籌遞傳每夕自景運門發籌西行過乾清門出隆宗門循而北過啓祥門迤而西過凝華門迤而北過中正殿後門迤北至西北隅迤而東過順貞門吉祥門至東北隅迤而南過蒼震門至東南隅迤而西仍至景運門凡十二汛爲一周

註二 國朝宮史續編皇城內河流四面環繞由地安門西步梁橋（今訛爲西不壓橋）入者經景山西門引入環紫禁城是爲護城河護城西面之水自紫禁城西南隅流經天安門外金水橋東南注御河是爲外金水河又西闕下有地道引護城河水經午門前至東闕門外循太廟右垣南流折向東注太廟戟門外箭子河東南合御河其由地安門東步梁橋入者經東安門內望恩橋注御河其入紫禁城者由神武門西地道引護城河水流入沿西一帶經武英殿太和門前是爲內金水河復流經文淵閣前至三座門從鑾駕庫巽方出紫禁城

大內建於明清因之民國鼎革除乾清門以前各殿廷外清遜帝仍居之十三年始被逐出翊年改爲故宮博物院其乾清門前各殿廷於民國三年因熱河行宮及盛京舊宮古物運京分陳於文華武英兩殿名古物陳列所今僅武英一部陳列物尙存而太和中和保和三大殿亦許人遊覽

午門爲紫禁城正門三闕上覆重樓九間門前左設嘉量右設日圭左右各一闕西向者曰左掖東向者曰右掖上覆鐘鼓明廊翼以兩觀傑閣四聳與中相輔俗稱五鳳樓民國十四年教育部將清內閣所存各檔案及近代各地掘獲之古物一部陳列樓上任人觀覽名歷史博物館

故都變遷記略

卷二

舊皇城一

四

門內東西兩廡註各二十二間兩廡中各有一門東曰協和西曰熙和兩廡之北正中爲太和門

註 清宮述聞午門內東廡二十二間皆崇基爲稽查欽奉上諭事件處及內閣誥敕房又午門內西廡二十二間皆崇基爲繕書房及起居注館

昔皇帝視朝則鳴鐘鼓於樓上出入鳴鐘凱旋獻俘亦御午門受之

太和門

明名皇極門

九間三門前後陞各三出左右各一出前列銅獅二環以金水河跨石梁五左右各一門左曰昭德右曰貞度

門之內東西兩廡各三十三間註一東廡中爲體仁閣西廡中爲弘義閣皆東西向東廡之北爲左翼門西廡之北爲右翼門門各五間清光緒十四年太和門災註二翌年重建

註一 清宮述聞太和門內東廡三十三間爲緞庫甲庫氈庫北鞍庫南鞍庫西廡三十三間爲銀庫皮庫瓷庫衣庫茶庫

註二 天咫偶聞光緒十四年十二月太和門火明年正月二十六日大婚不及修建乃以紮綵爲之高卑廣狹無少差至棖栢之花紋鴟吻之雕鏤瓦溝之廣狹無不克肖雖久執事內廷者不能辨其真僞而且

高逾十丈栗冽之風不少動搖

正中南向爲殿三重前曰太和中曰中和後曰保和舊稱三大殿今仍之

太和殿

明名皇極
又曰奉天

基高二丈殿高十一丈廣十有一間縱五間上爲重檐脊四垂殿前丹

陛環以白石闌陛五出各三成陛間共列鼎十八銅龜銅鶴各二日圭嘉量各一清康熙八年重建昔爲元旦冬至萬壽三大節及大慶典皇帝受賀之處而朝會燕饗命將出師臨軒策士亦御焉

清施閏章元旦早朝詩丹闕晨開敞御筵朝元會好傍爐烟春迴曉日螭廷暖風細卿雲鳳閣懸宵旰勤思荒服外衣冠拜舞聖人前稱觴進璧渾間事共擬南征奏凱篇

殿左右各一門左曰中左右曰中右皆三間南向殿之後東西兩廡各三十間

註 清宮述聞太和殿後東西兩廡內庫在焉

中和殿

明名中極
又曰華蓋

縱廣各五間方檐圓頂南北各三出陛東西各一出昔爲祭祀視祝版

耕藉視農器之所

保和殿

明名建極
又曰謙身

九間重檐垂脊前陛各三出與太和殿丹陛相屬殿後陛三成三出昔

故都變遷記略

卷二

傷皇城一

五

爲除夕筵宴外藩之處每科朝考新進士亦御焉

清朱彝尊除夕保和殿侍宴詩珮結緋魚後樽開白獸先呈能勾樂隊密坐潤爐烟紫路頻除夕青燈異往年誰當頌椒會猶侍聖人前

殿左右各一門左曰後左右曰後右皆三間南向

殿後迤北十餘武崇基列陛其北東爲景運門西爲隆宗門正中南向者爲乾清門

東華門內協和門東爲

文華殿南向五楹深同之殿前曰文華門門三間崇階九級丹陛與露臺相值臺左右各二陛東配殿曰本仁西配殿曰集義後殿曰主敬各五楹明李闖亂後殿被燬清康熙二十二年重修昔爲皇帝御經筵之所

清陳廷敬講筵紀事詩崇政經帷秘延英玉陛高聲容肅中禁寵渥厚詞曹天語開黃卷乾文上彩毫萬言親講誦或恐聖躬勞

循殿而東北跨石梁三前有三座門門內有清代會典館民國後爲清史館館署正北有殿宇三所覆以綠瓦名擷芳殿爲清代皇子所居俗稱阿哥所爲明瑞敬殿與瑞本殿舊址所後有戲衣庫所東爲太醫院爲御藥庫所西夾道內爲御茶膳房御肉膳房

爲蒙古朝房

循殿而東南北向者爲清代之內閣大庫戶部內庫鸞儀衛內鸞駕庫循庫左轉而北南向者爲國史館今皆廢爲故宮守衛隊及警察消防隊駐所

清毛奇齡雪中入直史館詩朔風吹捲玉河沙早見天街散雪花苑外撲將千片蝶壇深噪過幾群鴉遮成翠幃疑朝雨望去紅牆似曉霞誰賜錦貂還左掖獨騎羸馬上東華人逢玉署忻投壁身在銀河未汎槎隔院冰敲懸幕鐸傍檐糝落濕窗紗驚心鎖自燒青簡呵指眞難草白麻渴至未傾杯底酪寒多先結研頭窪官臺截業依天近輦道迴環歸路賒一望蒼茫愁思遠東安門外卽天涯

文華殿曾一度爲古物陳列所陳列字畫民國二十二年古物南移後改隸於故宮博物院陳列美人福開森氏捐贈之古物有江安傅增湘樂陵宋哲元兩碑記

傳心殿在文華殿之東南向五楹殿前東西角門二北向五間爲治牲所南向三間爲景行門清康熙二十四年建

殿設孔子位於御經筵前一日祭告

院內有大庖井上覆以亭泉味甚甘甲於別井註

故都變遷記略

卷二

舊皇城一

六

註 玉堂叢話黃誥嘗作京師泉品謂玉泉第一文華殿東大庖井第二

內閣在協和門外文華殿之南與文華殿相對南向清沿明舊昔爲大學士直廬

清沈德潛夜宿中書省詩獨宿絲綸閣虛堂燈火清窺檐星漢影記夜柝鈴聲報稱慚鬢髩疏慵負聖明家園通夢寐游釣憶平生

文淵閣爲明之聖濟殿舊址在文華殿後閣凡三重上下各六楹層階累折而上上覆綠色琉璃瓦前墜方池跨石梁一引御河水注之閣後疊石爲山垣門一北向清乾隆三十九年建昔爲貯四庫全書之處

循閣西北向房屋一所爲清代上駟院其南爲御馬廐閣北南向者爲箭亭昔爲皇

帝馳馬習射之所

舊名射殿

西華門內熙和門西爲

武英殿南向五楹深同之殿前爲武英門制與文華同門前跨石梁三周以石檻丹墀左右各一陛東配殿曰凝道西配殿曰煥章後殿曰敬思各五楹東北爲恒壽齋西北爲浴德堂清同治八年災同年修復康熙間開書局於武英殿爲詞臣纂輯之地乾隆以後書館尤盛武英殿遂專司刊校刊行之書籍謂之殿板道光以後經費支絀刊書甚

少僅爲貯藏書籍書版之處而已同治八年災後書籍版片焚燬殆盡
殿東北恒壽齋昔爲繕校四庫全書諸臣直房其西北浴德堂舊稱修書處
浴德堂內有西域式浴室後有井亭俗傳爲香妃浴所但香妃本無其人後之考古者
多辨正之

王書衡先生式通辨正香妃事詩采筦輕將野語收娟娟寶月照層樓流傳廣畫椒
風影髣髴歸魂柳樹秋百輩才人辭太費十全信史事難求松鄰題象詩沿誤削稿
長銷地下愁

松鄰稿內有題故回部巴圖汗
可敦象一詩錢孫謂失實應刪

武英殿民國後爲古物陳列所其所陳列之歷代古瓷及其他寶物一部今尙存
循殿而西爲咸安宮爲清代之尙衣監三通館實錄館及文穎館又西爲器皿庫爲咸
安宮官學爲蒙古官學咸安宮爲清康熙二十一年建民國三年拆殿改建爲樓名寶
蘊樓以貯盛京舊宮熱河行宮兩處寶物

循殿西北爲清代方略館再折而北爲回子學緬子學

按清乾隆以前方略館在武英殿垣後
東側至同治年間編纂平定髮捻方略

則借咸安宮官學學
舍開館而在西側矣

殿北正中爲清代內務府署再北左側爲造辦處

按內務府署昔本在西華門內循牆第四
門東向後移武英殿北其遷移年月不詳

故都變遷記略

卷二

舊皇城一

七

清宣統年間憲政籌備處附設內務府其處址則在上駟院之後以上駟院爲內務府
所轄也

循殿而西南爲南薰殿殿西廬舍爲御書處昔爲貯存列代帝后圖像處殿東一帶房
屋爲外瓷器庫今爲警察局保安隊駐所南薰殿清內明舊

午門以北乾清門以南各殿閣稱爲外朝

乾清門五楹中三門前陛三出各九級周以石欄陛前列金獅二昔爲皇帝御門聽政之
處

清施閏章召見乾清門詩入直長趨丹鳳樓忽驚咫尺覲宸旒未遮宮扇瞻天近不
散卿雲繞日浮帝德難名深氣象主恩蓄意待諮諏心懷董賈才何有奏對誰當第
一流

清李慈銘於乾清門觀迎皇后

德宗配孝定景
皇后也葉註

鳳奩詩九閭曙色啟銅龍夾道珠燈拱

法宮綵仗千官迎日下瓊函百輩出雲中光華共識天顏喜樸儉先昭內治風添得

層城王母笑蓬萊綺映晚霞紅

簾幕衾褥俱用
絳色蓋從俗也

乾清門左旁爲內左門右旁爲內右門墀下東出者爲景運門西出者爲隆宗門門各

五楹內左門之東內右門之西周廬各十二間南向東爲外奏事處散秩大臣值班處文武大臣待漏之所及侍衛直宿房西爲軍機處內務府大臣辦事處及侍衛直宿房相對北向周廬各五間東爲宗室王公待漏之所西爲軍機章京直舍其旁各有井亭一

乾清門清沿明制順治十二年重建其門左右各直廬爲乾隆十二年所增修
乾清門內爲乾清宮

乾清宮廣九楹深五楹正中三楹設御座黼屨左右列圖史璣衡鼎彝上懸清世祖御筆扁曰正大光明左三楹爲東暖閣右三楹爲西暖閣殿前丹陛列金鼎四銅龜鶴各二東設日圭西陳嘉量中爲甬道與乾清門相屬丹陛南出者二東西出者各一丹陛下有文石台左右各一上安小金殿左名社稷右名江山宮之左右各有層階一段緣牆甚狹護以石欄爲升宮廷之便道東牆後爲昭仁殿殿後室爲五經萃室西牆後爲弘德殿昭仁之左東出者爲龍光門弘德之右西出者爲鳳彩門乾清宮清沿明制順治十二年重建康熙八年修嘉慶二年災同年修三年工成昭仁弘德兩殿亦襲明舊嘉慶二年重建

故都變遷記略

卷二

舊皇城一

八

乾清宮在明爲帝后所居清初猶沿其舊其後乃爲臨軒聽政及歲時內廷受賀賜宴之所

昭仁殿昔貯宋金元明舊版書籍名天祿琳琅五經萃室藏岳珂刊板五經

宮左右兩廡東廡中間東出者爲日精門門北爲自鳴鐘處端凝殿註御茶房門南爲御藥房祀孔處轉南而北向者爲上書房昔爲皇子皇孫肄業之所西廡中間西出者爲月華門門北爲批本處懋勤殿門南爲尙乘轎爲內奏事處轉南而北向者爲南書房爲宮監辦事處一名敬事房南書房昔爲內廷詞臣直廬

註 故宮考端凝殿取端凝旋之美爲貯冠袍帶履之所嘉靖十四年七月改今殿內所儲爲官帽朝珠藏

香書簪等物宣統剪下之辮髮亦置此殿北小庫儲康熙雍正乾隆歷年所製瓷器瑤器余按瓷器瑤器一語應改爲畫瑤瑤瓷胎者稱瓷胎畫瑤瑤料胎者稱料胎畫瑤瑤玻璃胎者稱玻璃畫瑤瑤匣面其銅胎者稱銅胎畫瑤瑤胎者稱胎畫瑤瑤瑤胎者稱瑤胎畫瑤瑤瑤胎者稱瑤胎畫瑤瑤瑤胎者稱瑤胎畫瑤瑤匣面皆刻其名余於點查清宮時親見之

乾清宮後正中南向者爲交泰殿

交泰殿滲金圓頂制如中和殿殿內中懸清聖祖御筆扁曰無爲中設御座左安銅壺滴